



JANUARY 2022

Volume 8 - Issue 34

The Salvation News



Madison, Wisconsin
November 20, 2021

“Tus TSWV, koj yog kuv tus Vajtswv; kuv yuav hwm koj thiab qhuas koj lub npe.” Yaxayas 25:1a

THE SALVATION NEWS

Koo Kiam Zoo



COPYRIGHT © 2010-2021 by **The Salvation News**
All Rights Reserved. Revised 2019

No part of this publication may be reproduced in any form or by any means without the publisher's prior written permission

THE COVER

October - December 2021
Vol. 8 - Issue 34

MADISON SCG

Table of Contents

ARTICLES

- 4 **Worship Location**
Chaw Teevhawm Vajtsww

- 5 **Twv Vajluskub**
Koj Paub Vajluskub Npaum Licas?

- 6 **SCG Kev Xaiv Tsa Cov Thawjneeg 2021**
by Vachinzong Lor

- 9 **Ncauj Ntau**
by Vachinzong lor

- 12 **Peb Ntseeg (We Believe)**
SCG 14th Doctrines

- 13 **Word of Wisdom**





CALIFORNIA LOCATION:

1. **Fresno Salvation Church of God**
4626 E. Dakota Ave, Fresno, CA 93726
Pastor Xenger Jeremy Xiong, (559) 310-0229
Lead Deacon Timothy Xiong, (559) 301-5992
2. **Living Gospel Salvation Church of God**
918 Sierra Drive (*Worship Address*)
Modesto, CA 95351
Elder Chertzong Xiong, (209) 331-3561
3. **Marysville Salvation Church of God**
5286 Feather River Blvd. (*Worship Address*)
Olivehurst, CA 95961
Tubtxib Kou Yang (Tswv Pab), (530) 218-6851

MINNESOTA LOCATION:

4. **Hmong Salvation Church of God**
540 Wheelock Pky E, (*Worship Address*)
St. Paul, MN 55106
Rev. Sia Ge Kong, (612) 760-2678
5. **Redeemer Salvation Church of God**
5050 Hodgson Road (*Worship Address*)
Shoreview, MN 55126
Pastor Chueneng Yang, (612) 845-9305
Asst. Pastor Chentzeng Vaugh, (612) 280-8444

WISCONSIN LOCATION:

6. (New Congregation)
Madison Salvation Church of God
5301 Commercial Ave. (*Worship Address*)
Madison, WI 53704
Elder Ger Vang, (608) 658-6912
Deacon Pao Moua, (414) 477-2477
7. **Milwaukee Salvation Church of God**
7256 W. Center Street (*Worship Address*)
Wauwatosa, WI 53210
Rev. Vachinzong Lor, (414) 731-2160
Elder Thai John Xiong, (414) 239-4894



8. **New Salvation Church of God**
3565 Finger Road, Green Bay, WI 54311
Pastor Anthoni Kao Her, (920) 784-8696
Elder Chong Thong Ly, (920) 246-5474

FLORIDA LOCATION:

9. Florida's Congregation
19655 Willow Road, Wimauma, FL 33598
Elder Walong Lo, (941) 786-0369

Twv Vajluskub

Koj Paub Vajluskub Npaum Licas?

A: Xaiv seb nqe lus teb twg thiaj li yog

Tej Roob Tseemceeb Nyob Hauv Vajluskub

1. Thaum dej nyab ntiajteb nqig, Nau-es lub nkoj los txawb rau saum lub roob hu licas?
A. Roob Alalaj
B. Roob Puvlaj
C. Roob Dub
2. Mauxes sau Vajtsvw 10 nqe kevcai nyob rau saum lub roob twg?
A. Roob Kajsiab
B. Roob Mabliab
C. Roob Xi-nais
3. Lub roob uas cov theejcom tuaj ntes Yexus hu licas?
A. Roob Kwjha
B. Roob Txiv Ntsheej
C. Roob Txiv Daj

B: Sau qhov lus teb rau ntawm txoj kab

4. Peb Yog li ntawd, Ahaj thiaj hu cov Yixalayees thiab cov cev Npa-as lus tuaj sib sau ua ke rau saum lub Roob _____.
5. Cov Filixatees tuaj ua rog rau cov Yixayees, mas cov Yixayee khiav cov Filixatee thiab raug tua tuag rau saum lub Roob _____.
6. Mas povthawj Aloo nce saum lub raws li Roob _____ Yawmsaub hais rau nws mas nws tuag rau ntawd lawm.

C: Tseeb los Tsis Tseeb

7. Vajtsvw hais tias, “Koj ciali koj tib leeg tub Ixaj uas uas koj hlub tshaj plaws mus rau pem tebchaw _____. Koj cia li muab nws tua hlawv fij pub rau kuv saum lub roob uas kuv yuav qhia rau koj.”

8. Koj ciali nce mus rau saum tej **Roob** _____ huav tebchaws Mau-am uas saib ntoov rau tim nroog Yelikaus, thiab nce mus rau saum lub ncov Roob Nepaus, saib mus rau tim tebchaws Kana-as uas kuv yuav muab rau cov Yixalayees nyob.
9. Yog li ntawd, thov koj cov neeg mus txiav cov ntoo ciab pem **Roob** _____ xa tuaj rau kuv. Kuv cov neeg yuav nrog lawv ua haulwm uake thiab kuv yuav them nqi rau koj cov neeg raws li koj pom zoo. Koj yeej paub hais tias cov neeg yeej ibtxwm tsis txawj ntov ntoo li koj cov.

D: Leejtwg yog tus hais qhov lus no?

10. “Txawm yog kuv yuav muaj lub tswvyim txawj qhuab qhia; muaj txhua yam kev txawj ntse, thiab totaub txhua yam uas tsis muaj neeg paub; thiab txawm yog kuv muaj kev ntseeg hais tau kom tej roob txav tau mus rau lwm qhov, tiamsis yog kuv tsis muaj kev hlub, ces kuv yeej tsis muaj nqis abtsi hlo li.”

11. “Nej yog cov coob, cia nej xub mus xaiv tus heev nyuj thiab koj mus tua ua ntej. Tiamsis tsis txhob zes hluavtaws rau cov taws li, thov nej tus vajtsvw kom nws tso hluavtaws los kub nkaus xwb.”

12. “Vajtsvw yeej txwv kom neb tsis txhob noj txhua yam txiv ntoo uas nyob hauv lub vaj no tiag los?”

13. Leejtwg hais rau koj tias koj liabqab?



“Yog li ntawd, peb tsis txhob nkees ua tej haujlwm zoo; yog peb pheej ua tsis tso tseg, muaj ib hnub peb yeej yuav tau sau xwb.”

~ Kalatias 6:9

Vachinzong Lor Milwaukee, Wisconsin

SCG KEV XAIV TSA COV THAWJNEEG 2021

Teebmeem kabmob Covid-19 yuav thaiv ua rau tsoom thawjneeg thiab tsoom pejxeem hauv Salvation Church of God tsis tau kev txoos ua-ke koom tegnum kev xaiv tsa SCG cov thawjneeg hauv lub xyoo 2020 los tuav num hauv SCG los, Vajtswv muaj lwm txoj haukev rau cov ntseeg hauv SCG ua tau tegnu tiav hlo mus rau qhov zoo thiab tsis siv nyiaj txiaj.

Txawm tsis muaj kev xaiv tsa hauv xyoo 2020 li hais dhau los saum no los, txhua tus thawjneeg tuav num hauv SCG txaus siab hlo lees pab

tuav num dawb los txhawb Salvation Church of God Main Office txuas rau xyoo 2021. Vim Vajtswv pab thiab txhawb ua rau sawvdaws, ua rau txhua leej zoo siab thiab kaj siab lug tuav num tsis suav nra thiab tsuj kev ntsov siab rau tsoom thawjneeg thiab pejxeem hauv SCG. Txhua tus thawjneeg ntawm txhua pabpawg nias siab hlo thiab tau hau ntsoov ua num ntawm lub siab dawbpaug pab thiab coj tsoom pejxeem lub sijhawm kabmob tsis tau dua. Tsoom pejxeem los sawvdaws ua siab ntev tsis yws thiab zoo siab hlo nrog txhawb SCG cov thawjneeg rau lub sijhawm uas sawvdaws tau kev ntsov siab vim kabmob Covid-19.

Lub 11 hlis 2021 dhau los, cov thawjneeg tuav num hauv SCG Main Office teem muaj kev xaiv tsa cov thawjneeg los tuav num hauv SCG Main Office 2022 – 2024. Kev xaiv tsa yog teem kev xaiv raws cov pawgntseeg thiab tso suab xaiv hauv ntawv. Thawj lwm kev xaiv yog muaj tso suab xaiv tug thawjneeg (superintendent) tus lwm thawj (assistant superintendent) tus

teev ntawv (secretary) thiab tus ceev txiaj (treasurer). Thawj zeeg kev xaiv tsa sawvdaws xaiv tau cov thawjneeg raws li nram no los tuav cov luagnum hauv SCG Main Office:

1. Xibfwb Xeev Ntxawg Xyooj – Superintendent
2. Xibfwb Tswv-Yeej T. Hawj – Assistant
3. Xibfwb Txheej Txheem Vaj – Secretary
4. Jesse Hur – Treasurer

Kev xaiv tsa zeeg ob (2) yog xaiv pab tsavxwm (board) los fwjxwm hauv pawgntseeg. Tsoom ntseeg nyob hauv cov pawgntseeg kev tso suab xaiv cov pab thawjneeg (boards) yog xaiv tau cov thawjneeg li nram no:

1. Xibfwb Txhiaj Zeb Koo
2. Xibfwb Tswv Neej Yaj
3. Tubtxib Tswv Pab Yaj
4. Txivtsev Lis Meej Xyooj
5. Xibfwb Vajtsheejzoo Lauj

Hais txog tus thawj rau pab thawjneeg (board) lawv 5 leej no

mam tsa ib tug los ua tus coj sawv cev ntawm pab thawjneeg. Txawm licas los lawv yuav qhia rau tsoom pejxeem paub koj meej txog lawv tegnum npaj tsa ib tug los ua tus coj. Ntawm pab saib kev ruaj ntseg sawvdaws rov xaiv tau pab uas tuav num zaum dhau los.

1. Txwjlaug Kwm Xeeb Xyooj – Council Chairman
1. Txwjlaug Tswv Pab (Steve) Vwj – Council member
2. Xaiv Suav Xyooj – Council member

Nyob hauv xyoo 2021 cov pabpawg kuj muaj kev xaiv thiab tsa tau cov thawj los tuav num ib yam nkaus xws li:

1. Fwvtshaj Vajtsheejzoo Lauj - President of Youth

Department

2. Kabnpauj Lauj – Director of Women Department
3. Txawj Zoo Xyooj - Director of Men Department
4. Xibfwb Tswvneej Yaj - Director of Credential Department

Txhua tus tibneeg uas raug xaiv thiab tsa los tuav num li hais dhau los saum no, lawv yuav pib kev ua Vajtswv num pab tsoom pejxeem hauv cov pawgntseeg thiab pab num hauv lub hauvpaus SCG Main Office pi blub ob hlis tim 1, 2022. Txhua txoj num li hais yuav ua mus xaus rau xyoo 2024 mam tso tseg.

Sawvcev hauv SCG Main office zoo siab thiab ua tsaug tsoom thawjneeg txhua leej thiab tsoom pejxeem sawvdaws koomsiab txhawb nqa

tegnum hauv SCG los tau ntau xyoo. Tomntej tseem muaj haujlwm ntau yam. Thov Vajtswv txhawb sawvdaws zog thiab thov sawvdaws nias siab hlo tawm tuaj pab thiab txhawb tegnum Tswv Yexus muab tso rau hauv SCG kom pab sawvdaws sibpab. Koom num u aua-ke Tswv Yexus yog tus nyob nruabnrab txhawb tegnum yeej tiav rau Tswv Yexus tau koobmeej, Nws yuav tsa koj rau saum lub samxeeb. Xyoo tshiab thov sawvdaws nyob kaj siab lug los ntawm Tswv Yexus.

Khob Dej Txias

K **HOB** **DEJ**
TXIAS **YOG** **ABTSI?**

Khob dej txias yog dej txias nyob hauv lub khob xwb tabsi yog vim licas nws muaj qabhaus thiab tseem-ceed rau txhua leej tibneeg. Nyob hauv koj tsevneeg txhua txhia leej tsis hais niamtxiv thiab menyuam yog tus twg nqis dej tsis hais dej kub, dej txias, dej qabzib, tus nqis dej ntawd cia li mus muab los haus xwb. Txhwj ntshai yog yuav haus dej tshuajyej, coffee, thiab cawv

ntsim mam thiaj txib kom tus tibneeg paub tab lossis txawj mus ua coj los rau tus yuav haus. Tabsi yog thaum muaj ib tug qhua tuaj txog hauv koj tsev lawm, txawm yog dej txias, dej kub, dej qabzib, los tus tswv tsev yuav tau npaj thiab muab rau cov qhua haus. Cov qhua ntawd haus thiab tsis haus los nws yog tus tswvtsev lub luagnum yuav tau npaj dej rau cov qhua haus. Qhua yuav tuaj nyob ntev thiab nyob luv los tsuav yog tuaj txog hauv koj tsev lawm, tswv tsev yeej muaj cai yuav nrhiav dej rau lawv haus. Tshwj ntshai tus tswv tsev yog neeg tsis paub cai xwb. Feem coob ntawm tibneeg kev ua neej ces yeej coj txoj cai tib yam nkaus. Muaj qee pab



pawg neeg, thaum qhua tuaj txog, lawv tsis cev dej rau qhua haus tabsi lawv nug qhua seb qhua puas haus? Yog qhua teb tias, tsis haus ces tswv tsev kuj tsis npaj thiab tsis muab los cev rau cov qhua ntawd.

Thaum tuskheej tawm mus ua qhua rau lwm lub zejzrog thiab mus so rau hauv ib tsevneeg twg los, tswv tsev yeej npaj dej los rau yus haus, ua ntej yuav tham txog yam uas yus lossis tuaj tham ntawd, kom lawv tau dej haus. Tomqab muab dej rau cov qhua txais coj mus haus, txais tuav ntawm tes, lossis txais cov mus txawb rau saum rooj lawm, muaj lus abtsi mam pib kev tham. Khob dej yog yam tseemceeb siv rau kev saib taus, paub cai, daws kev nqis, yog txoj cai siv rau kev sib ntsib saum qhua.

KHOB DEJ TXIAS TSIM TAU TEEBMEEM LICAS RAU TUS THAWJNEEG?

Twb yog vim tibneeg ntawm txhua haiv neeg siv khob dej txias ua chaw sib fim thiab sib saib taus los ntawm kev sib ntsib. Txawm muaj rooj nojhaus thiab tsis muaj los, khob dej txias yuav tau siv rau thaum muaj kev sib ntsib. Hauv rooj sib ntsib ntawm cov tibneeg sib ntsib ntawd yuav qhis dej thiab tsis nqis los txoj cai hauv lub rooj tsib ntsib qhia kom muab dej los rau cov qhua haus. Lub txhooj hauv txoj cai uas tibneeg muab khob dej txias los ua chaw sib fim nws tsim tau kev phoojywg nyob tau sib ze thiab kev sib ze npog tau kev ceevfaj ploj thiab tsim tau kev tso siab plhuav nojhaus yam tsis nco ntshai. Kev nojhaus qhib siab lug txais txhua yam hauv lub rooj nojhaus los ntsaws rau hauv tus thawjneeg lub cev thiab yoojyim rau yeebncuab siv kuab tshuaj tso yam ntsiagto rau hauv khob dej txias. Vim li ntawd cov thawjneeg coobx leej thiab rau kev plhomsij los ntawm khob

dej txias. Tus yeebncuab siv khob dej txias ua haujlwm rau nws tus yeebncuab, luag ua seem ntse thiab paub zoox txog kev siv khob dej txias hauv koj lub neej. Ntau zaus, yeebncuab siv khob dej txias thaum koj muaj kev xyivfab tsis nco ceevfaj. Tabsi ntau zaus yeebncuab siv tus tibneeg txheebx zex koj rov muab khob dej txias los rhuav tshem koj. Yeebncuab siv tau koj tus neeg txheeb ze koj los ntawm 1. Ntxias tau koj tus neeg txheeb ze tuaj nws tog rov tuaj ntxias tuaj nrog koj sibtham, nojmov, hausdej, haus cawv, thiab nyob uake. 2. Ua txuj txib lossis siv cov tibneeg koj niaj hnub siv muab dej, zaubmov, thiab nrog koj ua num uake kom nqa khob dej txias los rau koj haus rau lub sijhawm sawvdaws tuaj txoos uake. Nws ua li, nws txajmuag rau koj tabsis siv koj tus neeg sub koj thiab tso siab txais khob dej txias.

ZAM KHOB DEJ TXIAS TAU LICAS?

Yuav zam tau khob dej txias, koj yuav tau paub kom meej thiab tseeb tias leejtwg yog tus cev khob dej txias rau koj? Leejtwg yog tus muab khob dej txias rau koj haus? Tub tibneeg cev khob dej txias rau koj yog tus tswv tsev lossis tus phoojywg uas rub koj rau saum lub rooj nojhaus. Yog tus tibneeg uas mus muab khob dej txias nqa los rau ntawm koj thiab muab cev rau koj. Txawm nyob hauv nws lub tsev, hauv lub chaw nojmov tom kiab, ntawm ib lub rooj nojhaus loj, nyob

rau yam kev yam ncuva qhov twg twb puamchawj. Tsuav yog ib tug tibneeg muab lossis cev khob dej txias rau koj ces tus ntawd ntag yog tus cev rau koj. Tus tibneeg ntawd puas yog yeebncuab? Nws yog koj tus yeebncuab lossis yog tus tibneeg raug yeebncuab ntiav lossis tuaj ua yeebncuab tegnum. Nws puas txaus ntshai? Nws tsis txaus ntshai vim nws tsis yog tus muab khob dej txias uas muaj tshuaj lom rau koj haus. Tus muab khob dej txias uas muaj tshuaj lom rau koj haus yog koj tuskheej ntag. Tus txaus ntshai tshaj yog koj tuskheej. Vim licas? Vim tias, nws yog koj ob txhaistes thiab yog koj lub qhov ncauj. Yeebncuab lub homphiaj yog muab khob dej txias los tua kom koj puas tsuaj, nws thiaj siv lub sijhawm koj tsis ceevfaj muab khob dej txias rau koj. Muab los ntawm lub sijhawm nojhaus saum rooj nojhaus mus seem sib saib taus raws kev phoojywg tabsis nws tsis yog tus muab yuam laub rau koj lub qhov ncauj. Tus muab khob dej txias yuam laub rau koj qhov ncauj yog koj tuskheej.

Tus thawjneeg xyuam xim thiab paub tab, nws tsuas txais khob dej txias ntawm yeebncuab tes los txawj rau saum rooj xwb. Nws yeej tsis muab tsa lossis laub rau hauv nws lub qhov ncauj ib zaug li. Txawm yeebncuab yuav txhob kom haus los, nws yuav teb aws... mam haus. Mam haus thiab mam haus ob pib lwm ces sawv tawm saum rooj noj. Txhuax khob dej txias, dej kub, dej qabzib, coffee, tea, thiab lwm yam dej uas yog tseem khob lossis hom khob ua qhib lug. Zoo tiag, tus thawjneeg tsis txhob haus. Zam kom dhau cov khob dej li hais yuav zoo rau koj tuskheej. Txawm luag muab cev koj los txais los txawb rau saum rooj tabsis tsis txhob haus. Txais thiab haus cov poom dej uas muaj hau khwb zoox thiab ua zoo saib seb puas tau raug muab qhib. Yog qhib lawm, zoo dua txhob haus.





Ncauj Ntau

Thaum hnov sob lus tias, “Neeg ntau ntau ncauj” txhais tias, tus tibneeg ntawd yog neeg tham ntaux thiab nws tej lus tham muaj ntau zaus yuav dhau mus ua lus teebmeem. Neeg ncauj ntau, tiagx tsuas yog ib lub ncauj xwb, nws tsis yog ob-peb lus ncauj lossis muaj ncauj ntaux lub tabsi yog txhais tias tus tibneeg ntawd nyiam tham lossis tham tsis ntaux rau seem tsis paub muab tej lus tham faib tham raws kab raws seem. Ntau ncauj txhais hais tias, tus tibneeg nyiam tham, nquag tham, tham tsis paub tso tseg thiab tham tsis paub txuag lus. Ntxiv ntawd, yog tsis paub xaiv saib tibneeg tham thiab tsis paub ntsuas cov tibneeg uas nws nrog tham ntawd tej kev paub thiab tsis txawj ntsuas lawv lub tswvyim kev xav. Tigneeg nquag tham, tham ntau, muaj ntau yam tham, nws txoj kev tham kuj tsav kev paub rau cov neeg uas mloog nws tham thiab nws tej lus tham kuj qhia lossis muab nws tuskheej nthuav tawm rau lwm tus tibneeg paub txog nws. Tus tib-

neeg nquag tham, nyiam tham, tham ntau, txawj tham yog nws tseem txawj ceev thiab txawj xaiv lus tham yuav tsim tau kev phoojywg rau txhua leej tibneeg.

Tus tibneeg txawj tswj txawj ceev lus li hais muaj tsawg lossis ceeb laj nrhiav tau. Feem li ntau ntawm cov tibneeg nyiam tham, nquag tham, tham heev, yog cov tsis xav, tsis xaiv, tsis ceev lus thiab tsis xav txog nws tuskheej. Hom tibneeg tham heev li hais los saum no, nws tej lus pheej txeev dhau mus ua lus teebmeem. Tus cwj pwm ntau ncauj li hais, nws tej lus txawm tsis dhau mus ua lus plaub ntug los nws dhau mus ua lus puas xwm. Tus tibneeg tsis paub tab uas tau txais lo lus lossis lub npe “ntau ncauj” feem ntau nws tej ncauj lus pheej dhau mus ua lus “xaiv, tau plaub, thiab ua neeg hais lus tsis muaj qabhau.” Tus thawjneeg lossis tus neeg paub tab uas hais lus ntau thiab tau lub npe “ntau ncauj” feem ntau nws tej ncauj lus ua rau nws tegnum tseem-ceed raug pob puas vim nws pheej txeev muab nws tus qauv lossis nws

lub homphiaj qhia rau tus ub tus no ua-ntej tegnum tsis tau tiav. Hom thawjneeg coj li hais, nws zoo tsis txawv tus thawjneeg uas qaug rau hauv lub lav vwm cawv ua rau nws tsis paub tomntej tomqab, nws thiaj tsis nco txuag lus. Nws txawj tsis deb tus thawjneeg uas qaug rau hauv lub lav lomzem zoo siab thiab zoo siab, nws txawm cia li ntseeg hais tias tej tibneeg nrog nws nyob thiab koom ua kev hauv lub rooj lomzem puav leej yog neeg zoo. Nws txawm qhib siab lug qhia nws tej tswvyim hauv nws lub homphiaj kev ua thawjneeg vim nws kev zoo siab.

Hom tibneeg ncauj ntau lossis ntau ncauj, thaum lawv ua lossis hnov txog ib yam abtsi, lawv tswj tsis tau lawv lub siab hlo li. Yog nws tsis tham, nws yeej nyob tsis taus. Thaum ntsib nthav tej tibneeg nws paub, nws maj rawm yuav muab tham rau luag mloog. Yog koj txais ib tug tub num lossis ib tug thawjneeg coj cwj pwm thiab ntau ncauj li hais los koom rau ib teg haujlwm tseemceed, tsis ntev tegnum ntawd yuav raug pob puas, vim tus tibneeg ntawd yuav muab qhia ua rau tibneeg paub thoob qhov txhia chaw. Yog nws kev ntau ncauj ho dhau mus ua teebmeem plaub ntug, koj tseem yuav raug nrog daws vim qhov koj txais nws los ua haujlwm thiab koom num, koom kev noj nyob uake.



PAWGNTSEEG MADISON SCG

CHU-YIN T. HER Carmichael, California

“Yog li ntawd, nimno nej yuav tsum muab Vajtswv tej cuabyeej los hnav. Yog nej ua li ntawd thaum dab Ntxwngnyoog los tawmtsam nej, nej thiaj kovyeej. Thiab thaum tej kev tawmtsam ntawd dhau lawm, nej thiaj tseem nyob ruaj nrees.” Efexus 6:13



Tsa ib pawgntseeg tsis yoojyim. Tiamsis yog tsa tau pawgntseeg ces tsis muaj nws muaj nqis heev rau Vajtswv. Vajluskub hais nyob rau hauv Efexaus 1:22 hais tias, “Cov ntseeg yog Yexus Khetos lub cev uas muaj txhua yam txhij. Yexus Khetos yog tus uas ua rau ib puas tsav yam uas nyob txhua qhov muaj txhij muaj txhua.”

Yog tsis muaj pejxeem ces tsis muaj pawgntseeg. Yog tsis muaj pawgntseeg ces tsis muaj tus koj lossis xibfwb. Yog muaj xibfwb tiamsis tsis muaj cov ntseeg ces xibfwb los koj tsis tau. Vim yog lino txawm yog pawgntseeg coob thiab tsawg lawv puavleej muaj nqis rau ntawm Vajtswv tagrho.

Thaum lub 11/20/2021, pawgntseeg Madison SCG thiaj tau caw ib tsoom ntseeg, ib tsoom phoojywg, thiab ib tsoom kwvtij sawvdaws tuaj koom kev zoo siab zwm ua tswvcuab rau hauv Salvation Church of God, Inc. Txawm yog Pabtha Kxf. Vajtsheejzoo Lauj tuaj koom



tsis tau los nws txib Kxf. Tswv-Yeej Hawj nrog rau nws tus aivniam thiab Tubtxib Tswv Pab Yaj thiab nws tus aivniam mus tos txais cov ntseeg sawvdaws.

Thov Vajtswv foom koobhmoov rau Ktl. Tsav Ntxawg Vaj nrog rau cov ntseeg Madison SCG tagrho.



Madison SCG Worship Team!

Peb Ntseeg

We Believe

Tib Tug Vajtswv Xwbnkaus (The One True God)

Muaj tib tug Vajtswv xwbnkaus. Nws yog tus tsim ntuj tsim teb thiab Nws yeej ibtxwm nyob thaum chivkeeb los lawm. Tus TSWV xeemxwm yog vajpebleeg: Leej Txiv, Leej Tub, Yexus Khetos, thiab Vajntsujplig tus Dawbhuv. Efex. 4:6; I Tim. 2:5

Vajtswv Txojlus (The Holy Scripture Inspired)

Phau Vajlugkub Qub thiab Vajlugkub Tshiab yog Vajtswv Txojlus tseeb. Vajtswv Txojlus tsis muaj ib qho yuamkev thiab yog Txojlus qhia peb ua neej. II Tim. 3:16

Kev Tsim (The Creation)

Vajtswv tsim noobneej muaj Vajtswv tus yamntxwv zoo li Nws. Vajtswv tsim txhua yam uas peb lub qhovmuag pom, qhovmuag tsis pom, yam uas nyob saum ntuj, nyob hauv ntiajteb, yam uas nyob hauv qab vuamsaws uas muaj nyob thiab tsis muaj nyob huv tibi. Chiv. 1:1, 27; 2:4; Yauh. 1:3

Noobneej Poob Kev Txhaum (The Fall of Man)

Noobneej yog Vajtswv tsim los nrog Vajtswv sib raug zoo. Vim noobneej tsis mloog Vajtswv lus, noobneej thiaj noj lub txiv ntoo uas txwv tsis pub noj, noobneej thiaj tau txais lub cim tuag. Chiv. 2:16-17; 3:6

Kev Cawmdim (The Redemption [Salvation])

Kev cawmdim yog los ntawm Vajtswv tus Tub, Yexus Khetos. Nws yug los ua neeg thiab nws yog Vajtswv. Nws tsis muaj ib qho kev txhaum thiab nws cov ntshav los ntxhuav peb lub txim. Mt. 1:18, 22-23; Efex. 1:7

Koom Ua Ib Lubcev Ntawm Tswv Yexus (The Body of Christ [The Church])

Txhua tus ntseeg uas nyob thoooplaws txhua lub tebchaws, txawm hais yam lus twg, nyob deb lossis nyob zeb puavleej koom ib lub cev ntawm Tswv Yexus. Lk. 22:19-20; Efex 4:3-5; 5:23

Tus Ntsujplig Uas Dawbhuv (The Holy Spirit)

Vajntsujplig tus Dawbhuv yog tus pab uas Yexus Khetos txib los pab peb thiab txhawb peb lub zog. Tus uas ntseeg Yexus Khetos tus ntawd yuav tau ua kevcai rausdej thiab yug dua tshiab hauv Vajntsujplig tus Daw-

bhuv. Yauh. 7:37; Tes Hauj. 4:8

Lub Neej Dawbhuv (The Sanctification)

Tus ntseeg nws yuav tsum ua nws lub neej dawbhuv. Nws muab tej kev phem kev qias tso povtseg. Nws muab nws lub neej fij tagrho rau Vajtswv. Loos 12:1-2

Tshaj Txojmoo Zoo (The Great Commission)

Vajtswv samhwm kom cov ntseeg cia li tawm mus qhia txojmoo zoo rau txhua haivneeg hauv qab ntuj no kom hnov, paub, ntseeg, thiab los txais Tswv Yexus los ua lawv tus Tswv thiab tus Cawmseej. Mt. 28:19-20

Kev Khomob (The Divine Healing)

Lub hwjchim khomob nkeeg, ntiab dab, thiab tej txujci yog los ntawm Yexus Khetos. Nws pub nws lub hwjchim rau nws cov tubtxib siv. Mt. 8:3; Lk. 8:26-33

Tus Neeg Tuag Lawm Yuav Ciaj (The Blessed Hope)

Thaum tus Tswv Yexus Khetos rov qab los saum ntuj los, cov ntseeg uas pw tsaug zog (nruamsim) lawm yuav sawv rov qab los. Cov ciaj thiab cov tuag yuav mus ntsib tus Tswv Yexus Khetos sawm ib nta ntuj. I Thex. 4:16-17

Tswv Yexus Kav 1,000 Xyoo (The Millennium Reign of Christ)

Cov ntseeg uas dawbhuv yuav nrog Yexus Khetos kav ibtxhiab xyoo ua ntej yuav muaj kev txiavtxim zaum ob. Tshwmsim 20:4-6

Kev Txiavtxim Thaum Kawg (The Final Judgment)

Txhua tus neeg tsis hais tus uas muaj sia thiab tsis muaj sia lawm yuav tau los sawv ntawm tus Tswv lub rooj Txiavtxim. Tus Tswv yuav txiavtxim raws li nyias te- gnum ua yav tag los. Tshwmsim 20:14-15

Lub Ceebtsheej Tshiab Thiab Ntiajteb Tshiab (The New Heaven and New Earth)

Lub ntuj Ceebtsheej Tshiab thiab Ntiajteb Tshiab yuav tshwm tuaj. Lub ceebtsheej qub thiab ntiajteb qub yuav ploj mus. Cov ntseeg Yexus Khetos yuav mus nyob hauv lub ceebtsheej thiab lub ntiajteb tshiab mus ibtxhis. Tshwmsim 21:1-4, 27

“ I AM THAT I AM

- Exodus 3:14

Answer from Page: 5

1. A. Roob Alalaj - Mt. Ararat, *Chivkeeb 8:4*
2. C. Roob Xi-nais - Mt. Sinai, *Khiav Dim 19*
3. B. Roob Txiv Ntsheej - Mt. Olive, *Lukas 22:39-44*
4. Roob Kalemees. - Mt. Carmel, *1 Vajntxwv 18:20*
5. Roob Kinpau-a - Mt. Giboa, *1 Xamusyees 31:1*
6. Roob Hau - Mt. Hor, *Teev Npe 31:38*
7. Mauliya - Mt. Moriah, *Chivkeeb 22:2*
8. Roob Anpalees - Mt. Nebo, *2 Kevcai 32:49*
9. Roob Lenpanoos - Mt. Lebanon, *1 Vajntxwv 5:6*
10. Xf. Povlauj, *1 Khaulethaus 13:2*
11. Eliyas, *1 Vajntxwv 18:25*
12. Nab, *Chivkeeb 3:1b*
13. Vajtswv, *Chivkeeb 4:11*

Salvation Church of God, Inc.
The Salvation News
PO Box 1204
Olivehurst, CA 95961

Copyright © 2021 by SCG. All Rights Reserved. No part of this publication may be reproduced in any form or by any means without the publisher's prior written permission.

News Report



Caw tsoom xibfwb, txwjlaug,
fajthwj, niamtsev, txivtsev
thiab tub-ntxhais hluas
yog nej muaj xovxwm zoo
xav muab tsotawm,
email rau
Xf. Tswv-Yeej T. Hawj.

Newsletters are posted quarterly.

Visit SCG website:
www.salvationchurchofgod.org
Email: cher@salvationchurchofgod.org



Salvation Church of God, Inc. Main Office
4626 E. Dakota Ave • Fresno, CA. 93726 | Telephone: (916) 541-2220, (612) 280-8444
E-Mail: segmainoffice@salvationchurchofgod.org | Website: www.salvationchurchofgod.org